

## 2. gr.

Stofnfé sjóðsins er vara- og húsbýggingarsjóður Sparisjóðs Fáskrúðsfjarðar, eins og hann var þegar útibú Landsbanka Íslands yfirtók rekstur sparisjóðsins eða um kr. 4 500 000.00 — fjórar og hálf milljón króna.

## 3. gr.

Tilgangur sjóðsins er að veita styrki til framfara- og menningarmála á Fáskrúðsfirði.

## 4. gr.

Stjórn sjóðsins skipa eftirtaldir fimm aðilar: Sýslumaður Suður-Múlasýslu, sóknarprestur Kolfreyjustaðarprestakalls, útibússtjóri Landsbanka Íslands, Fáskrúðsfirði, sveitarstjóri Búðahrepps og hreppstjóri Búðahrepps.

## 5. gr.

Styrkveitingar úr sjóðnum fara fram, þegar stjórn sjóðsins telur ástæðu til, þó ekki oftast en einu sinni á ári. Má úthluta allt að fjórðu fimmtu hlutum árstekna hans. Hinn hluti teknanna skal leggjast við höfuðstólinn, sem aldrei má skerða.

Nú telur sjóðstjórnin eigi ástæðu til að ráðstafa þeim hluta ársteknanna, sem veita má til styrkja samkvæmt næstu málsgrein hér á undan, og getur hún þá annað hvort lagt tekjurnar við höfuðstólinn eða geymt þær til síðari úthlutunar, en þó eigi lengur en tvö ár.

## 6. gr.

Allt fé sjóðsins skal ávaxtað í útibú Landsbanka Íslands, Fáskrúðsfirði og skal útibúið annast reikningsfærslu fyrir sjóðinn eftir fyrirmælum sjóðstjórnar, enda náist samkomulag þar um.

## 7. gr.

Endurskoðendur sjóðsins skulu kosnir þannig: Hreppsnefnd Búðahrepps kýs einn mann og sýslunefnd Suður-Múlasýslu einn mann. Skulu þeir kosnir af hverri nýkjörinni hreppsnefnd og sýslunefnd, og skal kosning þeirra gilda jafnlengi og viðkomandi hrepps- og sýslunefnd situr. Reikninga sjóðsins skal senda árlega til eftirlitsmanns opinberra sjóða.

## 8. gr.

Leita skal staðfestingar forseta Íslands á skipulagsskrá þessari, og hún birt í B-deild Stjórnartíðinda.

**REGLUGERÐ****um kennarafulltrúa í fræðsluráðum o. fl.**

## 1. gr.

Auk þeirra fræðsluráðsmanna, 5 eða 7, sem landshlutasamtök sveitarfélaga kjósa til setu í fræðsluráði, skulu eiga rétt til setu í ráðinu með málfrelsi og tillögurétti þessir aðilar:

- a) Þrír fulltrúar settra eða skipaðra kennara, þ. á m. skólastjóra við grunnskóla í umdæminu, tilnefndir á þann hátt sem nánar er mælt fyrir um í reglugerð þessari.
- b) Framkvæmdastjóri landshlutasamtaka sveitarfélaga eða fulltrúi hans í forföllum.

**2. gr.**

Þegar um er að ræða í fræðsluráði málefni, sem varðar sérstaklega eitt eða fleiri sveitarfélög í fræðsluumdæminu, skal boða til fundarins fulltrúa þess eða þeirra sveitarfélaga.

Á sama hátt skal boða skólastjóra einstakra grunnskóla þegar til umræðu eru mál, er sérstaklega varða skóla þeirra. Þá skulu starfsmenn ráðggjafar- og sálfræðihjónustu hafa sama rétt til fundarsetu í fræðsluráði og skólastjórar, þegar rætt er um ráðgjöf, sálfræðihjónustu eða skyld mál.

Fulltrúar þessir hafa málfrelsi og tillögurétt á fundum fræðsluráðs.

**3. gr.**

Stjórn heildarsamtaka kennara á grunnskólastigi í fræðsluumdæmi tilnefnir úr hópi settra og skipaðra kennara og skólastjóra við grunnskóla umdæmisins þrjá aðalfulltrúa kennara til starfa með fræðsluráði og jafnmarga varamenn.

Gildistíma tilnefningar þeirra lýkur samtímis kjörtímabili fræðsluráðsmanna.

Þar sem ekki eru starfandi heildarsamtök kennara á grunnskólastigi í fræðsluumdæmi tilnefna landshlutasamtök kennara (Samband íslenskra barnakennara, Landsamband framhaldsskólakennara og Félag háskólamenntaðra kennara) sinn fulltrúann hvert og annan til vara úr hópi kennara og skólastjóra fræðsluumdæmisins til þessara starfa.

**4. gr.**

Reglugerð þessi, sem sett er samkvæmt 11. gr. laga nr. 63/1974, um grunnskóla, öðlast þegar gildi.

*Menntamálaráðuneytið, 6. desember 1975.*

**Vilhjálmur Hjálmarsson.**

*Birgir Thorlacius.*

**REGLUGERÐ**

**um sjóðfélaga Lífeyrissjóðs bænda og iðgjöld til sjóðsins.**

**1. gr.**

Sjóðfélagar í Lífeyrissjóði bænda skulu vera, með þeim undantekningum, sem nefndar eru í 2. málsg. allir bændur á lögbýlum, sem þar eiga lögheimili og náð hafa 20 ára aldri fyrir lok næsta almanaksárs á undan, þar með taldir aðilar að félagsbúum. Séu hjón bæði talin bændur, skal aðeins annað þeirra talið sjóðfélagi, og sama á við um sambúðarfólk. Berist sjóðnum ekki tilkynning um, hvernig aðild skuli háttað, eða séu hlutaðeigendur ekki sammála um það atriði, sker sjóðstjórn úr.

Heimilt er stjórn sjóðsins að veita bændum, sem ekki eiga lögheimili á bújörðum sínum, aðild að sjóðnum, enda hafi þeir meiri hluta atvinnutekna sinna af búvöruframléiðslu. Enn fremur er henni heimilt að víkja frá skilyrðum um lögbýli, ef um er að ræða verulegan búrekstur, sem hlutaðeigandi hefur meiri hluta tekna sinna af. Þá er stjórninni heimilt að veita undanþágu frá þátttöku þeim bændum, sem eru sjóðfélagar í öðrum lífeyrissjóðum og hafa meiri hluta atvinnutekna sinna af öðru en búvöruframléiðslu.

Heimilt er stjórn sjóðsins að taka í tölu sjóðfélaga starfsmenn á lögbýlum, sem ráðnir eru til eins árs eða lengur, enda komi beiðni um slíkt frá hlutaðeigandi vinnuveitanda.

Elli- og örorkulífeyrisþegar sjóðsins teljast sjóðfélagar.